

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 16. Poslovnika o radu Vlade Zeničko-dobojskog kantona ("Službene novine Zeničko-dobojskog kantona", broj: 5/11), Vlada Zeničko-dobojskog kantona, na 25. sjednici, održanoj 21.10.2019. godine, d o n o s i

ZAKLJUČAK

o izmjenama i dopuni Programa rada Vlade Zeničko-dobojskog kantona za 2019. godine

I.

U Programu rada Vlade Zeničko-dobojskog kantona za 2019. godine, broj: 02-34-10701/19 od 28.06.2019. godine, vrše se sljedeće izmjene:

I. NORMATIVNO - PRAVNI POSLOVI

C. OBLAST OBRAZOVANJA, NAUKE, KULTURE I SPORTA

Tačka 5. "Strategija razvoja sporta na području Zeničko-dobojskog kantona za period 2019.-2023. godina", briše se.

Tačka 6. "Pedagoški standardi za osnovnu školu", briše se.

Tačka 7. "Pedagoški standardi za srednju školu", briše se.

D. OBLAST UNUTRAŠNJIH POSLOVA, JAVNOG REDA I MIRA

Tačka 1. „Zakon o izmjenama i dopunama Zakona o plaćama i naknadama policijskih službenika Zeničko-dobojskog kantona“, briše se.

Tačka 6. „Odluka o dodatku na plaću zaposlenim u Ministarstvu unutrašnjih poslova Zeničko-dobojskog kantona“, briše se.

E. OBLAST RADA, SOCIJALNE POLITIKE I IZBJEGLICA

Tačka 1. „Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom“, briše se.

G. OBLAST PROSTORNOG UREĐENJA, SAOBRAĆAJA I KOMUNIKACIJA I ZAŠTITE OKOLINE

U tački 1. „Uredba o određivanju zahvata u prostoru i građevina za koje Ministarstvo za prostorno uređenje, promet i komunikacije i zaštitu okoline Zeničko-dobojskog kantona izdaje urbanističku saglasnost i/ili lokacijsku informaciju“, riječi „Rok: juli“ zamjenjuju se riječima „Rok: decembar“.

J. OSTALE OBLASTI

Tačka 1. „Uredba o izmjenama i dopunama Uredbe o organizovanju službi zaštite i spašavanja Zeničko-dobojskog kantona“ briše se i umjesto nje dodaje se tačka koja glasi:

„Zakon o izmjenama Zakona o zaštiti od požara i vatrogastvu

Nosilac izrade: Kantonalna uprava civilne zaštite Zeničko-dobojskog kantona.

Predlagač: Vlada Zeničko-dobojskog kantona.

Donosilac akta: Skupština Zeničko-dobojskog kantona.

Pravni osnov: sadržan je u članu 37. stav 1. tačka f) Ustava Zeničko-dobojskog kantona i član 165. Zakona o zaštiti od požara i vatrogastvu („Službene novine FBiH“, broj: 64/09).

Razlozi za donošenje: Ustavni sud Federacije Bosne i Hercegovine je u svojim presudama, utvrdio da je članom 106. Zakona o zaštiti od požara i vatrogastvu („Službene novine Zeničko-dobojskog kantona“, broj: 5/11) povređeno pravo općina Tešanj, Maglaj, Žepče, Olovo, Vareš i Grada Zenice na lokalnu samoupravu jer su joj nametnute obaveze bez dodjele sredstava potrebnih za njihovo djelotvorno obavljanje.

Postupak donošenja: skraćeni, Vlada Zeničko-dobojskog kantona, na prijedlog Kantonalne uprave civilne zaštite Zeničko-dobojskog kantona, utvrđuje Prijedlog Zakona i upućuje ga u skupštinsku proceduru.

Rok: Prijedlog: novembar.“

II. STUDIJSKO-ANALITIČKI DIO

A. OBLAST PRAVOSUĐA I UPRAVE

Naziv tačke 7.: „Informacija o upravnom rješavanju u 2018. godini“ mijenja se i glasi: „Izvještaj o upravnom rješavanju za 2018. godinu“.

G. OBLAST RADA, SOCIJALNE POLITIKE I IZBJEGLICA

U tački 11. „Program obilježavanja „Dječije nedjelje“ u Zeničko-dobojskom kantonu za 2019. godinu“ riječi „Rok: avgust.“ zamjenjuju se riječima „Rok: oktobar.“

Tačka 13. „Akcioni plan za unapređenje socijalne zaštite i socijalne uključenosti građana Zeničko-dobojskog kantona“, briše se.

K. OSTALE OBLASTI

Tačka 13. „Izmjene i dopune Procjene ugroženosti od prirodnih i drugih nesreća Kantona“, briše se.

II.

Shodno navedenim izmjenama, vrše se i odgovarajuće izmjene numeracije redoslijeda akata u Programu rada Vlade Zeničko-dobojskog kantona za 2019. godinu i u Kalendaru akata koji će se razmatrati na sjednicama Vlade u 2019. godini, koji je prilog Programa rada Vlade Zeničko-dobojskog kantona za 2019. godinu.

III.

Zadužuje se Stručna služba Vlade da dostavljanjem ovog zaključka informiše Skupštinu Zeničko-dobojskog kantona o izmjenama i dopunama Programa rada Vlade Zeničko-dobojskog kantona za 2019. godinu.

IV.

Zaključak stupa na snagu danom donošenja.

Broj: 02-34-15913/19

Datum, 21.10.2019. godine

Z e n i c a

PREMIJER

Mirza Ganić

DOSTAVLJENO:

1x Stručna služba Vlade,

1x Stručna služba Skupštine,

1x Svim ministarstvima i drugim tijelima kantonalne uprave,

1x a/a.